

Псалом 33

Автор: Павел
22.03.2012 13:47

Благословлю Гóспода на всяко врёмя, вы́ну хвалá Егó во устéх мойх. О Господе похвáлится душá моя, да услы́шат крótцы и возвеселя́тся. Возвели́чите Гóспода со мною, и вознесём и́мя Егó вкúпе. Взыскáх Гóспода и услы́ша мя, и от всех скórbий мойх избáви мя. Приступíте к Нéму и просветíтесь и ли́ца вáша не постыдя́ться. Се нíйшии возвá, и Госпóдь услы́ша и́, и от всех скórbий егó спасе и́. Ополчíтся áнгел Госпóденъ óкрест бóяющихся Егó, и избáвит их. Вкусíте и вídите, я́ко благ Госпóдь, блажéн муж, иже уповáет Нáнь. Бóйтесь Гóспода вси святíи Егó, я́ко несть лишéния бóящимся Егó. Богáтии обнища́ша и взалкáша, взыскáющии же Гóспода не лишáтся от всякаго блáга. Приидíте чáда послúшайте менé, стрáху Госпóдню научú вас. Кто есть человéк хотя́ живóт, любя́и дни вídеть блáги; Удержí язы́к свой от зла, и устнé свой е́же не глагóлати льсти. Уклони́ся от зла, и сотворí блáго, взыщи́ мир, и поженí и́. Очи Госпóдни на прáведныя, и úши Егó в молítву их. Лицé же Госпóдне на творя́щия злáя, е́же потреби́ти от земли́ пáмять их. Возвáша прáведнии, и Госпóдь услы́ша их, и от всех печáлей их избáви их. Близ Госпóдь сокрушенных сердцéм, и смиренныя дúхом спасéт. Мнóги скóрби прáведным, и от всех их избáвит я́ Госпóдь. Хранít Госпóдь вся кóсти их, и ни еди́на от них сокрушíтся. Смерть грéшником лютá, и ненави́дящии прáведенаго прегреша́т. Избáвит Госпóдь душá раб Свойх, и не прегреша́т вси упова́ющие Нань. Достóйно есть, я́ко войстину блажíти Тя, Богорóдице, прýсно блажéнную и пренепорóчную, и Máтерь Бóга нашего. Честнéйшую херувíм, и слávnейшую войстину серафíм, без истлéния Бóга Слóва рóждьшую, сúщую Богорóдицу, Тя величáем.